



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

31. De excessibus praelatorum & subditorum

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

eodémque die duos Ordines prohibitos suscepit, licet ordinetur *valide* regulariter loquendo. arg. *c. 1. h. t.* est tamen ipso jure suspensus ab executione Ordinis furtivè suscepti. Engel *h. v. pæna.* & si Episcopus suspensionem hujusmodi prohibuerit sub excommunicatione, tanquam excommunicatus suspenditur ab executione etiam cæterorum Ordinum ritè susceptorum; adeoque nullum exercere potest absque irregularitate, quam tamen non videtur incurrere per suspensionem furtivam. Ratio, quia id jura non exprimunt clare. Schmalzgr. *h. n. 8.* Deinde cum furtivè suscipiente Ordinem dispensare potest Episcopus, si specialis prohibitio ab Episcopo sub excommunicatione facta non præcessit, vel delictum sit adhuc occultum; secus solus S. Pontifex. *Text, & DD. in c. 1. & seq. h. t.*

TITULUS XXXI.

De Excessibus Prælatorum & Subditorum.

Q. 1. *Quinam sint excessus Prælatorum Ecclesiasticorum contra subditos, id est, qualiter delinquant Episcopi & Episcopis inferiores in subditos?*
Resp. 1. Episcopi & his majores delinquunt 1. si subditos gravent iniquis exactionibus, vel vexent censuris injustè illatis. *c. 1. h. t.* 2. Siquid impèrent inferioribus contra eorum privilegia. *c. 5. & 7. h. t.* 3. Si jura inferiorum imminuant, aut liberent Ecclesias eis subjectas à subjectione. *c. 2.*

h.

h. t. 4. Si Ecclesias & beneficia Ecclesiastica indignis conferant *c. 11. eod.* 5. Si Sacerdotes sibi subiectos cogant ad revelanda peccata. *c. 13. eod.* 6. Si gravamina Religiosis inferant, de quibus vide *c. 16. & 17. h. t. & Clem. un. eod.*

Resp. 2. Prælati inferiores Episcopis delinquant I. uniendo Ecclesias sibi subiectas absque consensu Episcopi *c. 8. h. t.* 2. cognoscendo causas matrimoniales, imponendo penitentias publicas, concedendo indulgentias. *c. 12. h. t.* si nec habeant speciale privilegium, nec terminarium proprium cum iurisdictione quasi Episcopali. 3. erigendo monasteria contra formam à jure & Constitutionibus Pontificiis præscriptam, de quo vide *Leur. h. t. Q. 419. per totam.*

Q. 2. Quot modis peccent subditi contra suos Prælatos? Resp. Præter innumera delicta, quæ in superiores possunt committi, notantur maxime in *h. t. seqq.* 1. si subditi non observent festivitatis censuras, interdicta ab Episcopis lata; cum ad Religiosi etiam exempti quoad talia parere debent. *c. fin. h. t. Trid. Sess. 28. c. 12. de Regular.* 2. si beneficiatis assumatur Personatus, vel causa possessionis mutetur. *c. 6. h. t.* 3. si plures Clerici, absque authoritate Episcopi erigant Collegium, constituent sigillum, aliâque Collegiorum jura sibi attribuant. *c. 14. h. t.* 4. si contra juramentum aut homagium Episcopo præstitum vel Dominum suum eum regent, vel coram iudice sæculari illum conveniant. *c. 15. h. t.* 5. quando violatur clausura Monasterii, de quo vide *c. un. de statu Regular. in 6. Trid. Sess.*

Sess. 25. c. 5. de Regular. Constit. Circa Pastoralis.
Pii V. Constit. Decor. ejusdem &c. item Pichler
h. t. n. 5. & seq. Leur. Libr. 3. Decretal. tit. 35.

TITULUS XXXII.

De Novi Operis Nuntiatione.

Q 1. Quid sit, & quotuplex novi operis nuntiatione? *Resp.* 1. Cùm tam prælati, quàm subditi peccare possint, pia loca aut domos ædificando in damnum vel præjudicium Ecclesiarum vicinarum, aliorumve locorum piorum, hinc priori subjungitur titulus *de novi operis nuntiatione, quæ est legitima prohibitio, ne Ecclesia, monasterium, aliudve opus novum extruatur, aut extructum immutetur, aut in cæpta extruptione vel immutatione pergatur, donec constiterit de ædificantis jure, aut præstita sit eo nomine satisfactio L. 1. §. 11. ff. h. t.* A Jure quidem civili ortum habet novi operis nuntiatione, ad cujus imitationem Canones jus prohibendi ædificium novum induxerunt, uti habetur in *c. 1. h. t.* in quo capitulo regula generalis statuitur, jus Civile Canonico, & contrà debere succurrere.

Resp. 2. Alia est operis novi nuntiatione *publica*, quæ à Magistratu; alia *privata*, quæ fit privatâ autoritate. Utraque est Vel *realis*, quæ fit per appositionem manûs, vel etiam (si in nostro ædificatum) opus destruendo. *L. 7. §. 3. ff. quod vi aut clam. vel verbalis*; dum solis verbis utimur.

Q 2. Quinam nuntiare opus novum possit, & cui

cui